

# *Kongreso de juristoj: reformoj konstituciaj kaj aktualigo de la kuba modelo.*

---



Havano, 9 jun (RHK) Dum la fermo de la kongreso de kubaj juristoj ĝus okazinta, oni sciigis ke en la venontaj jaroj okazos procezo de konstitucia reformo pro la gravaj transformoj ligitaj al la aktualigo de la sociekonomia modelo, kaj ĝi implicas vastan popolan partoprenon kaj referendumon.

Kiam estu aprobita la reformo, la leĝofara agado kreskos kaj tio kondukos al aktualigo en la tuta jura ordo. En tiu agado, samkiel nun, la kuba unuiĝo de juristoj partoprenos, tiel asertis Homero Acosta, sekretario de la ĝtata konsilantaro de Kubo dum la ferma ceremonio de la 8-a kongreso de tiu institucio.

Kadre de la kongreso oni faris distingon al elstaraj juristoj tutlande, entute 493, kaj institucioj ligitaj al la sektoro. Oni aparte distingis per omaĝa stampilo la prezidenton Raúl Castro kaj la vicprezidenton José Ramón Machado. Aliflanke, Orisell Richards, profesorino pri juro de la Havana Universitato ricevis la premion al la juna juristo de la nuna jaro.

Kelkaj ĝanĝoj antaŝviditaj en la procezo de la ekonomia modelo havas rektajn sekvojn en la konstitucia artikolaro, preteriras ĝian limon kaj ne eblas ilin kongruigi per interpretaj manieroj. Socia realo kaj Konstitucio devas kune marĝi, tiel difinis Homero Acosta, kaj precizigis ke ekde la pasinta 6-a kongreso

de la Partio, ĉis decembro de 2016, la leĝofara agado kreskis.

Pli ol 130 politikoj estis aprobitaj, kaj tio kondukis el estigo de 300 dispozicioj juraj, nuligo de 700 normoj kaj modifo de 58. Inter la normigoj kreitaj estas 4 leĝoj, 36 dekreto-leĝoj kaj 26 dekretoj.

La partoprenantoj povis dialigi kun Leonardo Andollo, vicestro de la konstata komisiono por starigo kaj evoluigo de la gvidlinioj, kiu informis pri la laboro farita de post la partia kongreso.

La juristoj komentis siajn zorgojn pri tiu procezo kaj elstarigis la gravecon partopreni en la laborkomisiono kaj organizi ĉi ĉirkaŭ tiu leĝofara agado.

---

<https://www.radiohc.cu/index.php/eo/noticias/nacionales/132112-kongreso-de-juristoj-reformoj-konstituciaj-kaj-aktualigo-de-la-kuba-modelo>



**Radio Habana Cuba**